

## ॥ मेधासूक्तम् ॥

(तैत्तिरीयारण्यकम्/प्रपाठकः - १०/अनुवाकः - ४१-४४)

मे॒धादे॒वी जु॒षमा॑णा न॒ आगा॑द्वि॒श्वाची॑ भ॒द्रा सु॑मन॒स्यमा॑ना।  
 त्वया॒ जुष्टा॑ नुदमा॑ना दुरु॒क्तान् बृ॑हद्वदे॒म वि॒दथे॑ सु॒वीराः॑।  
 त्वया॒ जुष्टं ऋ॒षिर्भव॑ति दे॒वि त्वया॒ ब्रह्मा॑ऽऽग॒तश्री॑रु॒त त्वया॑।  
 त्वया॒ जुष्टंश्चि॒त्रं वि॑न्दते वसु॒ सानो॑ जुषस्व॒ द्रवि॑णो न  
 मे॒धे॥ मे॒धां म॒ इन्द्रो॑ ददातु मे॒धां दे॒वी सर॑स्वती। मे॒धां मे॑  
 अ॒श्विना॑वु॒भावाध॑त्तां पुष्क॑रस्रजा। अ॒प्सरा॑सु च॒ या मे॒धा  
 ग॒न्धर्वेषु॑ च॒ यन्मनः॑। दै॒वी मे॒धा सर॑स्वती सा मां मे॒धा  
 सु॒रभिर्जु॑षता॒ꣳ स्वाहा॑॥ आ मां मे॒धा सु॒रभिर्वि॑श्वरूपा  
 हि॒र॒ण्यव॑र्णा जग॑ती जग॒म्या। ऊ॒र्ज॑स्वती॒ पय॑सा पि॒न्वमा॑ना  
 सा मां मे॒धा सु॒प्रती॑का जुषन्ताम्। मयि॑ मे॒धां मयि॑ प्र॒जां  
 मय्य॒ग्निस्तेजो॑ दधातु मयि॑ मे॒धां मयि॑ प्र॒जां मयीन्द्र॑ इन्द्रि॒यं  
 द॑धातु मयि॑ मे॒धां मयि॑ प्र॒जां मयि॑ सूर्यो॒ भ्राजो॑ दधातु।